



Broj: A-303/23
Sarajevo, 16.06.2023. godine

Na osnovu člana 69. stav (1) tačka b), stav (2) tačka (a). i člana 70. stav (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22), na preporuku Komisije za javne nabavke broj A:303/23 od 16.06.2023.godine, glavni federalni tužilac donosi

ODLUKU

o poništenju postupka javne nabavke usluga kolektivnog osiguranja

I

Poništava se postupak javne nabavke usluga kolektivnog osiguranja zaposlenika Federalnog tužilaštva FBiH od posljedica nesretnog slučaja - nezgode. (CPV kod: 66510000-8), iz razloga što u određenom krajnjem roku nije dostavljena nijedna ponuda.

II

Ova odluka objavit će se na web stranici Federalnog tužilaštva FBiH u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14 i 59/22).

III

Za izvršenje ove odluke zadužuje se Komisija za javne nabavke Federalnog tužilaštva Federacije BiH.

IV

Ova odluka stupa na snagu danom donošenja.

Obrazloženje

Postupak javne nabavke usluga kolektivnog osiguranja zaposlenika Federalnog tužilaštva F BiH od posljedica nesretnog slučaja – nezgode pokrenut je Odlukom o pokretanju postupka broj A:303/23 od 05.06.2023.godine.

Postupak javne nabavke je proveden putem direktnog sporazuma, a procijenjena vrijednost nabavke iznosi, prema Planu javnih nabavki Federalnog tužilaštva FBiH, 4.500, 00 KM (oslobodeni plaćanja PDV-a).

Nakon ispitivanja tržišta, o čemu je sačinjena službena zabilješka, poziv za dostavu ponuda je poslan na adrese 3 ponuđača dana 05.06.2023.godine, sa rokom za dostavu ponuda 12.06.2023.godine.

U datom roku niti jedan ponuđač nije dostavio ponudu, a samo je jedan ponuđač dostavio obavijest da ne može učestvovati u postupku javne nabavke zbog visokih osiguranih suma traženih u zahtjevu za dostavu ponude.

Komisija za javnu nabavku imenovana Rješenjem glavnog federalnog tužioca broj: A: 107/23 od 28.02.2023.godine, dana 16.06.2023. godine dostavila je glavnom federalnom tužiocu Zapisnik o pregledu i ocjeni ponuda broj A:303/23, kojim je predložila donošenje Odluke o poništenju predmetnog postupka javne nabavke iz razloga propisanog članom 69. stav (2) tačka a).

U postupku donošenja ove odluke posebno su cijenjene činjenice da je Komsija pravilno provela postupak javne nabavke do faze u kojoj se trenutno nalazi, da je pravilno ocijenila da su ispunjeni uslovi iz člana o 69. ZOJN- tj. da nije dostavljena niti jedna ponuda u određenom krajnjem roku za okončanje postupka javne nabavke, te da je poništenje postupka javne nabavke u skladu sa Zakonom o javnim nabavkama.

Imajući u vidu navedeno. primjenom člana 70. stav 4. odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi u roku od 10 dana prijema odluke, putem Federalnog tužilaštva Federacije BiH.

Dostaviti:

1. Web stranica
2. U spis

